



Inatsisartunut ilaasortaq Agathe Fontain, Inuit Ataqtigiit  
Inatsisartut  
/Maani

**§ 37 naapertorlugu Sikuki Nuuk Harbour A/S pillugu apeqquteqaammut  
nr. 067-imut akissuteqaatit**

26-03-2015  
Suliap normua 2015-112825  
Dok. nr. 1904451

Asasara Agathe Fontain

Postboks 101  
3900 Nuuk  
Oqarasuaat (+299) 34 50 00  
Fax (+299) 32 50 02  
E-mail: govsec@nanoq.gl  
www.naalakkersuisut.gl

Inatsisartut suleriaasissaanni § 37 naapertorlugu Nuummi umiarsualivittaassaq  
pillugu arlalinnik apeqquteqarputit. Apeqqutit uannit akineqartussanngorlugit  
ingerlateqqinneqarsimapput.

Apeqquteqaatinut akissutigisakka ataani tulleriiaarsimapput.

- 1. Nuummi umiarsualiviliortoqarnissaa pillugu Namminersorlutik  
Oqartussat aningaasat pillugit 2011-mit 2013 tikillugu  
pingasoriarluni nalunaarusiortitsisimasoq ilumoornerluni  
(Assartuussinermut isumalioqatigiissitaq, Deloitte aamma  
Rambøll)?**

**Akissut:**

Aap ilumoorpoq, naak Assartuinnermut Isumalioqatigiissitap  
nalunaarusiaa Nuummi umiarsualiviup saniatigut umiarsualivinnut  
allanut assartuussinermilu periarfissanut allanut aammattaq  
tunngasuugaluartoq. Ingerlatsinissamut suleriaasissaq Deloittemit  
suliarineqartoq, Rambøllillu inuiaqatigiit aningaasaqarnerannik  
nalilersuilluni misissuinerani atorneqartoq maannakkut Sikuki Nuuk  
Harbour A/S-imi siulersuisuusunit sukumiisumik  
allannguuteqartinneqarmat tamanna ilanngullugu oqaatigineqassaaq.  
Tamatumaa malitsigisaa sanaartornissamut aningaasartuutissat  
malunnaatilimmik sipaaruteqarfiunerat.

- 2. Nuummi umiarsualivimmi assartukkat agguaqatigiissillugit  
ukiumut 2,6 procentimik qaffakkiartortarnissaanik  
Assartuussinermut isumalioqatigiissitap siulittuutaa  
ilumoornerluni?**

**Akissut:**

Ilumoorpoq Assartuinermut Isumalioqatigiissitap kisermaassilluni avannamut assartuinerit 2030 tikillugu ukiumut 2,6 %-inik kujammukaassallu ukiumut 1,5 %-inik agguaqatigiissillugu annertuseriartassasut siulittuutigimmagu.

- 3. Nuummi umiarsualivimmi assartukkat agguaqatigiissillugit ukiumut 1,5 procentimik qaffakkiartortarnissaanik, umiarsualivittaamillu aatsitassalerisut atuinerminnut agguaqatigiissillugu ukiumut 9 mio. koruuninik akiliuteqartarnissaanik Deloitte-p aamma Rambøll-ip siulittuutai ilumoornerlutik?**

**Akissut:**

Aap. Inuiaqatigiit aningaasaqarnerannik nalilersuilluni misissuisimanermut majimi 2013-imi ingerlanneqartumut tunngatillugu tamanna ilumoorpoq. Tassani aallaavittut isummersuutigineqartumi 1,5 %-inik annertuseriartoqartarnissaa tunngavigineqarsimavoq. Ilanngullugu oqaatigineqassaaq, assartuinermi akit allanngoriartornerinik malussarissutsimik nalilersuilluni misissuinerit suliarineqartarmata. Taamaalilluni aamma assartorneqartartut amerlassusaat 0,5 %-it aamma 2,5 %-it aallaavigalugit nalilersuilluni misissuineq ingerlanneqarpoq. Taamaattoq aatsitassarsionernit isertituumagassatut naatsorsuutigisat ingerlatsinissamut suleriaasissami kingullermi Deloitte-meersumi decemberip 18-ani 2013-imik ullulerneqarsimasumi appartinneqarput. Tassani inissamik attartortoqarnissaa aallaaviutillugu katillugit 67,6 mio. koruuninut tagginneqarpoq taakkunanga 5 mio. koruunit missaat aatsitassarsionernut tunngatinneqarlutik.

- 4. (Assartuussinermut isumalioqatigiissitap nalunaarutaata kingorna) ukiuni kingullerni sisamani assartukkat agguaqatigiissillugu ukiumut qanoq annertutigisumik qaffakkiartorsimanersut Naalakkersuisut paasissutissiissutigisinnaanerlugu?**

**Akissut:**

Royal Arctic Linep oqaatigaa tamanna ukiuni 2011-2014-imi 4,69 %-inik kinguaruaateqartoq. Nuuk Centerip 2011-imi sanaartorneqarnerata malitsigisaanik 2011-imi aatsaat taama annertutigisunik assartuisoqarpoq, taamaammallu assartugassat 2012-imi ikileriarnissaat naatsorsuutigineqarluni kisiannili 2013-imi assartorneqartartut appariarujussuarnissaat Assartuinermut Isumalioqatigiissitap siumut takorloorsimangilai.

- 5. Namminersorlutik Oqartussat 1979-imi eqqunneqarnerata kingorna assartukkat agguaqatigiissillugu ukiumut qanoq**

**annertutigisumik qaffakkiartorsimanersut Naalackersuisut paasissutissiissutigisinnaanerlugu?**

**Akissut:**

Royal Arctic Linep oqaatigaa 1979-imiit 2014-imut agguaqatigiissillugu 0,41 %-inik tamanna qaffariaateqarsimasoq. 2014-imi assartukkat ukiut tusindtillit nikinneranni sulii taamatut inissisimajuarsinnarput, oqaatigineqarlunilu taamanikkut quersuaqarfiusumi inissaasuaqinikkut maannakkut Nuummi Umiarsualiviusumut ajoqutaasumik tamanna sunniuteqaleriartortoq.

**6. Uuliasiorneq mineralinillu allanik misissuineq taamani qaffasinnerpaaffianiimmat, Cairn allallu aatsitassalerisut Kalaallit Nunaanni 2010-mi 2011-milu ilitsiveqarnerminnut qanoq akiliuteqarsimanersut Naalackersuisut paasissutissiissutigisinnaanerlugu?**

**Akissut:**

Royal Arctic Havneservicep oqaatigaa 2010-mi 2011-imilu ulapaarnerpaaffiusumi inissanik Arctic Base Supply-imut attartortitsisimallutik kvadratmeterimut 50,40 koruuninik qaammammut akeqartitsillutik katillugit 2,8 mio. koruunit. Arctic Base Supply-ip niuernerq pissutigalugu inissat attartortinneqartut qanoq akilersillugit Cairnimut attartorteqqissimanerlugit oqaatigiumasimangilaa.

**7. Ukiuni tulliuuttuni qulini aatsitassalerisut Nuummi umiarsualivimmi ilitsivinnik atuinissaminnut ukiumut 9 mio. koruuninik kikkut akiliuteqartarnissaanik naatsorsuutigineqarnerisut Naalackersuisut paasissutissiissutigisinnaanerlugu?**

**Akissut:**

Ingerlatseqatigiiffiup ingerlatsinissamut suleriaasissaani allassimavoq, uuliasiornermit aatsitassarsiornermiillu isertitassat ilanngullugit naatsorsuusiortoqarsimangitsoq, kisiannili tamakku taamaallaat iluaqutissarsiffiusinnaasutut isigineqartut. Umiarsuarnut-nioqqutissanullu akitsuusersuinerit aammattaaq qanoq sunniuteqarsinnaaneri kiisalu umiarsualivimmi immikkoortunik attartortitsinerit siunissami qanoq isertitaqarfiusinnaaneri mianersortumik missaliuilluni missingersersorneqarsimapput. Taamaattumik Sikuki Nuuk Harbour A/S-ip niuernikkut tunuliaqutarisai ullutsinni akit nikerarneri aallaaviutillugit mianersortumik naleqqunnerusumillu tagginneqarput.

- 8. Nuummi umiarsualivissaq pillugu Assartuussineq pillugu isumalioqatigiissitap isumaliutissiissutaani (qallunaatuani) qupp. 333-imi naatsorsuutigineqarpoq, Nuummi Umiarsualiviup naammassineqarneratigut "umiarsuit marluk 1100 TEU-t ulapaarfiinnarni assartuisassallutik Kalaallit Nunaanni Nuummuinnaq assartuisassasut". Tamanna maannakkut pissusiusut isiginiarlugit sanilliunneqassaaq, tassami ullumikkut "3-nik 700 TEU-nik umiarsuaqarpoq, taakkunannga ataaseq attartorneqartarluni".**  
**tamatamani umiarsuit attartorneqartillugit taava najukkami umiarsuarni sulisut attartuisoqarnerani nalinginnaasumik qanoq pineqartarnersut Naalakkersuisut ilisimatitsissutigisinnaavaat?**

**Akissut:**

Royal Arctic Linep ilisimatitsivoq, umiarsuit attartorneqartut piffissami killilimmi nalinginnaasumik attartortinneqartartut piginnittumillu aamma nalinginnaasumik nunani allamiunik inuttaqartinneqartarlutik. Tassunga uiggiullugu oqaatigineqarsinnaavoq Assartuussinermut Isumalioqatigiissitap misissuinermini tunngavigisai siunissami toqqartumik maleqqissaarneqartariaqanngitsut. Ilumoorpoq Nuup umiarsuaqartarneranut arlalinnik takorluugaqarluni sulisoqarmat, tassa umiarsualiveqarfissaq nutaaq piareerpat eqqarsaatigineqartut ilagimmassuk umiarsuarnik attartortitsisarnissaq. Taamaaliortoqarsinnaavoq umiarsuup inuttai atuinnarlugit inuttaqartinnaaguluunniit taamaalilluni Royal Arctic Line nammineq umiarsuarnik inuttaliisartunngorlugu. Periarfissat pingajorisinnaavaat Royal Arctic Line-ip nammineerluni umiarsuarsinissaa taamaalorsinnaallunilu nammineq nutaanik sanaartortitsinermigut imaluunniit nunarsuarmi niuerfinni umiarsuaatilinnit pisinermigut. Umiarsuit qanoq ittut naleqqunnerussanersut suli maannamut nalunarallarpoq.

- 9. Assartuussinermut Isumalioqatigiissitap isumaliutissiissutaani Nuummi Umiarsualivittaassaq pillugu qupp. 320-imi oqaatigineqarpoq, "containerinut umiarsualivittaarnikkut atugassarititaasut pitsanngornerisigut sulisorineqarsimasut allatut atorneqarsinnaalissapput".**  
**RAL-ip umiarsuaani umiarsualivimmilu sulisorineqarsimasut qanoq atorneqassanersut Naalakkersuisut oqaatigisinnaavaat?**

**Akissut:**

Royal Arctic Linep oqaatigaa Nuummi umiarsualivimmi sulisut ikilisinneqarsinnaanerat naatsorsuutigineqanngikkallartoq. Kisiannili sulisunut qaangiuttoornerisitsisarneq appartinneqassasoq

naatsorsuutigineqartoq, tamannaavorlu umiarsualivimmik allilerinermi pisariillisaanerup iluaqutissartaasa ilagiumaagassaa. Maannakkut umiarsuit Atlantikukkoortaat amerlanertigut Danmarkimi najugalinnik inuttaqartinneqartarput. Umiarsualivimmik allilerineq naammassineqarpat umiarsuit atorneqalersussat piffissami aalajangersimasumi attartorneqassanersut suli isummerfigineqarsimanngilaq, tassani umiarsuup piginnittuata umiarsuit inuttalertassanera; imaluunniit umiarsuit kisiisa attartortassanera Royal Arctic Line inuttalersuisarluni. Taamaassanngippalluunniit umiarsuarnik nutaanik atornikunilluunniit pisisoqassanersoq tassani Royal Arctic Line inuttalersuisarluni. Tamanna 2016-ip ingerlanerani niuernermit pissutsinik aningaasaqarnikkut nalilersuinermit tunngavissiorneqassaaq. Sulisut Kalaallit Nunaanni najugaqartut, Kalaallit Nunaanni umiarsuaatileqatigiiffiup umiarsuaani allani sulinissaminnut neqeroofigineqassapput. Sulisut allat pingaartumik danskit savalimmiormiullu inuttaat allamik suliffissarsiortariaqassapput.

**10. Containeri aalisakkanik imalik Uummannamiit Asiannut nassiunneqarnissaanut sisamariarluni umiarsuarnut allanut nuunneqartassasoq (Uummannami, Aasianni, Aalborg-imi aamma Rotterdam-imi) ilumoorpa?**

**Akissut:**

Uummannamut usingiaasoqartassanngilaq; ullumikkulli assartuisarnermi assartorneqartut Uummannamiit Asiannut ingerlatinneqartarput, kingornalu umiarsuarmut Atlantikukkoortaammik Nuuk aqqusaarlugu Aalborgimut ingerlaartinneqartarlutik, taava Rotterdamimi usingiarneqariarlutik kingorna Rotterdammimiik umiarsuamik Kangiangut ingerlateqqinneqartarput, tassanilu ingerlaarnermi aamma usingiaqqinneqartarlutik aatsaat apuuffissaminnut apuuttarlutik.

**11. Nuummi nutaamik umiarsualivilioreernerup kingorna containeri aalisakkanik imalik Uummannamiit Asiamut nassiunneqarnissaanut sisamariarluni umiarsuarnut allanut nuunneqartassasoq (Uummannami, Aasianni, Aalborg-imi aamma Rotterdam-imi) ilumoorpa?**

**Akissut:**

Uummannamut usingiaasoqartassanngilaq; ullumikkulli assartuisarnermi assartorneqartut Uummannamiit Asiannut ingerlatinneqartarput, kingornalu umiarsuarmut Atlantikukkoortaammik

Nuuk aqqusaarlugu Aalborgimut ingerlaartinneqartarlutik, taava Rotterdamimi usingiarneqariarlutik kingorna Rotterdammimiik umiarsuamik Kangiangut ingerlateqqinneqartarput, tassanilu ingerlaarnermi aamma usingiaqqinneqartarlutik aatsaat apuuffissaminnut apuuttarlutik. Piffissarli assartuinermi atorneqartartoq sivitsorneqassanngilaq, angalasarneq allanngussanngimmat. Containeri umiarsuarmut allanut nuunneqaannartussaammat. Nuummi umiarsualiviup allilerneratigut maannakkut ingerlaartartut naleqquttunik suleqateqarnikkut siunissami Nuummiit Rotterdamimut toqqaannartumik ingerlaartalernissaat periarfissaqalersinnaavoq.

**12. Nuummi umiarsualivittaassaq Naalackersuisut qanoq naleqassangatippaat?**

**Akissut:**

Nuummi umiarsualiviup sanaartorneqarnissaanut Per Aarsleff isumaqatigiissuteqarfigineqarsimavoq sanaartorneq tamarmi erniat, sillimmatit allilerinissallu toqqarneqartut ilanngunnagit kisiannili sanaartukkat, illutassai, atortulersuutit, kivittaatit nuunneqarsinnaasut, pilersaarusionermut aningaasartuutit aningaasartuutillu naatsorsuutigeriinngisat ilanngullugit katillugit 551,4 mio. koruuninik akeqartussanngorlugu.

Inussiarnersumik inuulluaqqusillunga  
/Med venlig hilsen



Kim Kielsen